

Ateq aamma cpr. nr. (nipitittakkami) Navn og cpr. nr. (label)

Rigshospitalimi peqqissartut peqqissusiannik nalunaarsuutit ilisimatusarnerni allani atugassanngorlugit ingerlatitseqqissinnaanermut aammalu timaannit misissugassat ilaannik toqqorsisinnaanermut akuersissut.

Rigshospitalimi peqqissartinninnut atatillugu biobankimut toqqugassanik misissugassanik ilinnit tiguisinnaalerusukkaluarpugut. Taama toqqukkat kingusinnerusukku laboratorieni akoorilluni misissorneqarsinnaajumaarput nappaatinnut assingusunik misissuinerni paasineruniarlugu ilalisaatit kingornuttakkat, tunillatsittarnerit, avatangiisit, inooriaaseq nappaatillu allat nappaatigisannut qanoq attuumassuteqarnersut. Siunertaavoq nappaat taanna pillugu paasisat aammalu ilittut nappaateqartunik nappaataasa suussusilerniarneranni katsorsaanermilu periaatsit pitsaanerulersinnissaat.

Ilisimatusarluni ingerlatat biobankimi toqqortaatigisanik atuiffiusut tamavimmik pinngitsooratik Den Videnskabetiske Komitémit akuerineqarsimasussaapput nalunaarsortillugillu Datatilsynimut. Nappaatit pillugu paasisutissat titarnertaami siuliani allattugaasimasut, [misissuinermi] ilanngunneqartassapput ilisarineqarsinnaajunnaartillutit (kinaassutsit takuneqarsinnaajunnaartillugu)

Aaversinnerit misissugassatullu timinnit tigusat allat toqqorneqarsinnaapput kingusinnerusukku nappaatigisannut/suussusiiniarluni ilisimatusarnerni atugassanngorlugit.

Aap
☐

Naagga
☐

Akuersinera kingusinnerusukku peqqissimissutigigukku nalunngilara Rigshospitalimi sulisunut saaffiginnissinnaasunga piumallugulu atuagassiaq Indenrigs- og Sundhedsministeriemit saqqummersinneqarsimasoq "Dit væv, dit valg" ilitersuutaasorlu akuersineq qanoq tunuartinneqarsinnaasoq, *taama aaliangernera massakku siunissamilu peqqissartinninnut sunniuteqartussaannigitsumik.*

ulloq: _____ Atsiorneq: _____

Akuersissummik pissarsisoq: _____

Nalunaarut immersugaq Rigshospitalimut uninninnut atatillugu napparsimmavimmi sulisunut tunniuteqqunaqaaq

Ilisimatusarneq siunissami peqqissartittussanut iluaqutaasumik

Apererusuppugut misissugassarsiaralugit timinnit tigusat PERSIMUNE biobankimut toqqornissaannut akuersiumanersutit, taamalu atorneqarsinnaatillugit siunissami ilisimatusarluta misissuinitinni timip akiuussutissartaata tuniluuttumik tunillatsissinnaanermut qanoq pisarneranik.

PERSIMUNE-biobankimiitippagut napparsimasut timaanniit misissugassarsiat assigiinngitsut, napparsimasunit timiminni tuniluuttunik tunillatsinnissamut qanissinnaasunit akiussutissaq timiminniittoq annikillimasinnaammat. Biobankimi toqqortat kingusinnerusukkat atorneqassapput ilisimatusarluni misissuineri, paasineruniarlugu nappaatigisat tuniluuttumik tunillatsissinnaanermut qanoq sunniuteqarsinnaanersut.

Ilisimatusaatigisani sorpiaat ukkatarineqarnerussanersut suli aaliangivinneqanngilaq. Ataatsimut oqaatigalugu misissugassat amerlanertigut laboratorieni akoorilluni passunneqartassapput takuniarlugu akiuussutissat timimiittut qanoq pillaaqitsiginersut, peqqissartup stofskiftia pissusissamisut pinersaq imaluunniit tuniluuttumik timimiittoqalersimanersaq. Passussinerni nassaarineqarsinnaapputtaaq tarajuusat peqqissaatit. Aammattaaq misissuilluni nalunaarsorneqarsinnaapput inuup ilalisaatai paasineruniarlugu tamakku qanoq pingaaruteqartiginersut timip immini akiuussutissaqarniarneranut kiisalu tunillatsissinnaanermut qanoq qanillisaataasinnaanersut. Misissugassarsiat peqqissartittumeersut misissorluarlugillu toqqortaasivimmiittuni nassaarineqarsinnaasut uumassusileeqqat assigiimmik ukkatariniarneqassapput.

Misissuinerit inernerit illit journalinni allattukkanik tapilerlugit nalilersorneqassapput, paasisat tutsuiginarnerpaat saqqummersinniarlugit. Ilinnit misissugassarsiaqut aamalu PERSIMUNE-biobankimut toqqortitassatit tassa pingaaruteqarluinnarput ilisimatuut suliniutaannut nutaanerusumik nappaammik suussuseeriaatsimik katsorsaariaatsinillu nutaanik nassaarniarnerini siunissami katsorsarneqartussat iluaqutigillualigassaannik. Laboratoriemi akoorilluni misissuinerit paasisanillu katersuinerit nalilersuinerillu Rigshospitalimi imaluunniit Eu-mut ilaasortani nunani allaniittuni pisortat suliffeqarfiini suleqatigisartakkatsinni ingerlanneqassapput.

Aaviissutit PERSIMUNE-biobankimut toqqortassat nalinginnaasumik aaviinernut tapiliullugit pissarsiarineqartassapput taamalu aammik maqitsissummik ataasiaannarlutit ikkussivigineqassaatit. Toqqortassanik aaversinnerit sulluleeqqanut pingasunut (2 X 9 ml aamma 1 X 3 ml) agguarlugu maqinneqassaaq, annikeqigamilu timimut sunniuteqarnerluttusaaani.

Aaviisoqassaaq – immaqalu aamma qisermit annallu ilamernganik – toqqugassanngorlugit tiguisoqarluni akuersissut tunniunneqarpat, taamaalioqqittoqassaarlu qaammatit 3-6 ingerlareerpata, kingornalu ukiumut ataasiarluni tiguisoqartassaaq Rigshospitalimit malinnaaffigineqarnerpit sinnerani. Misissugassanik pissarsiffigineqarnissannut nalunaarsuineq allanngortinneqarsinnaavoq katsorsartittariaqalissaguit akiussutissap illit timiniittup sakkortussusianut kalluaasussamik imaluunniit malunnarsippat tunillatsinnissamut akiuussutissat tassanngaannaq appariataartoq.

Misissugassatut pissarsiaqut nalunaarsortarpagut toqqortarlugillu Datatilsynip akuersinera malillugu. Inummut paasissutissat paarilluarneqarluinnassapput. Biobankimiititanit ilisimatusaatissatut misissugassanik tigusitinnata tamatigut Videnskabetiske Komite mit aamma Datatilsynimit akuersissutinik tunineqaqqaartartussaavugut.

Peqataarusuttut kisimik tigusiffigineqartassapput nammineerlutillu aaliangernerit ullumikkut siunissamilu illit peqqissartinninnut sunniuteqartussaananani. Peqataarusullutit nalunaarnerit kingorna peqqissimissutigigukku ingerlaannarlutit utertissinnaavat tunngavilersuuteqanngikkaluarlutit.

Peqataajumallutit nalunaarnerpit kingorna peqqissimiguit qinnuigissavatsigit peqataajumajunnaarnerit allaganngorlugu apuunneqassasoq Vævsanalysereregisterimut. Immersugassaq "Dit væv, dit valg" immersorlugu nassiutissavat Sundhedsstyrelsens Vævsanvendelsesregisterimut. Ikiortariaqaruit peqqissarfimmi imaluunniit PERSIMUNE-centerimi sulisut ikiorsinnaavaatsit.

Qujanaq, una paasissutissiissut atuarakku isummerfigalugulu biobanki pillugu apeqquut.

Qinnuigissavatsigit isummerfigissagit misissugassarsiatta ilaannik PERSIMUNE biobankimut toqqugassanik tiguisinnatitaassanersugut taamalu nalunaarut uuma tunuaniittoq immersorlugulu atsiorlugu atsiugassaq peqqissutsimut paasissutissat ilisimatusarnernut allanut ingerlateqqinneqarsinnaanerannut aammalu peqqissartut timaannit misissugassat ilaannik toqqorsinnaanermut akuersissut.

Ikinngutinnersumik inuulluaqqusilluta,

PERSIMUNE-mi sulisut

PERSIMUNE pillugu paasissutissat pissarsiarineqarsinnaapput saaffigalugu CHIP, Klinik for infektionsmedicin, Afsnit 2100, Rigshospitalet, Blegdamsvej 9, 2100 København Ø. Tlf.: 35455757 (ulluunerani nal. 9-15). E-mail: persimune.rigshospitalet@regionh.dk 24. november 2015

24. november 2015